

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), člana 45. stav (1), a u vezi sa članom 37. stav (5) Zakona o izvršavanju Budžeta Zeničko-dobojskog kantona za 2019. godinu ("Službene novine Zeničko-dobojskog kantona", broj: 3/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 19. sjednici, održanoj dana 30.08.2019. godine, d o n o s i

ZAKLJUČAK

o usvajanju Programa utroška sredstava Budžeta za projekte Instituta za zdravlje i sigurnost hrane Zenica u 2019. godini, u razdjelu 23, budžetska organizacija 01, potrošačka jedinica 0001, pozicija „Tekući transfer za Institut za zdravlje i sigurnost hrane Zenica za projekte“ Budžeta Zeničko-dobojskog kantona za 2019. godinu

I.

Usvaja se Program utroška sredstava Budžeta za projekte Instituta za zdravlje i sigurnost hrane Zenica u 2019. godini u razdjelu 23, budžetska organizacija 01, potrošačka jedinica 0001, ekonomski kod 614100 „Tekući transfer za Institut za zdravlje i sigurnost hrane Zenica za projekte“ u iznosu do 200.000,00 KM (slovima: dvijestotinethiljada konvertibilnih maraka), Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

U skladu sa odobrenim sredstvima Budžeta za 2019. godinu za svaku planiranu i završenu aktivnost iz ovog Programa, na zahtjev Instituta za zdravlje i sigurnost hrane Zenica, uz dostavljanje Izvještaja koji treba da sadrži detaljne i mjerljive podatke o provedenim aktivnostima za svaki projekt pojedinačno, Vlada će posebnim zaključcima odobravati isplatu sredstava.

Za prekoračeni iznos odobrenih sredstava Institut za zdravlje i sigurnost hrane Zenica će obezbijediti vlastita sredstva.

IV.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu, Javna ustanova „Institut za zdravlje i sigurnost hrane“ Zenica i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____/19
Datum, 30.08.2019. godine
Zenica

PREMIJER

Mirza Ganić

DOSTAVLJENO:

1x Ministarstvo za poljoprivredu šumarstvo i vodoprivredu,
1x Javna ustanova Institut za zdravlje i sigurnost hrane Zenica (putem Ministarstva),
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU**

**PROGRAM UTROŠKA SREDSTAVA BUDŽETA ZA PROJEKTE
INSTITUTA ZA ZDRAVLJE I SIGURNOST HRANE
U 2019. GODINI**

Zenica, august 2019. godine

Podaci o programu

Program je usvojen:	na 19. sjednici Vlade Zeničko-dobojskog kantona održanoj 30.08.2019. godine.
Period realizacije Programa:	Realizacija programa utroška sredstava Budžeta za projekte Instituta za zdravlje i sigurnost hrane u 2019. godini izvršiti će se u periodu od 01.09. do 31.12.2019. godine.
Ukupna vrijednost Programa:	200.000,00 KM.
Namjena Programa:	Zaštita zdravlja ljudi i životinja, razvoj pčelarstva i povećanje proizvodnje i kvalitete meda, ispitivanje polena, jačanje dobre higijenske prakse u proizvodnji hrane, povećanje i jačanje konkurentnosti akreditovanih laboratorijskih kapaciteta, suzbijanje ambrozije, kontrolirana upotreba pesticida, izrada strategije ruralnog razvoja za period 2020-2024.
Korisnici Programa:	J.U. „Institut za zdravlje i sigurnost hrane“ Zenica
Izvor sredstava:	Budžet Zeničko-dobojskog kantona za 2019. godinu, Ministarstvo za poljoprivredu, šumarstvo i vodoprivredu, "Tekući transfer za Institut za zdravlje i sigurnost hrane Zenica za projekte“

Odgovorna osoba:

Mirnes Bašić, ministar

I UVOD

Zakonom o osnivanju Javne ustanove Institut za zdravlje i sigurnost hrane Zenica („Službene novine Zeničko-dobojskog kantona“, broj: 5/15 i 10/18) su propisane djelatnosti Instituta i to:

- praćenje, analiziranje i proučavanje stanja u pogledu pojave, kretanja, suzbijanja i iskorjenjivanja zaraznih, parazitskih i drugih bolesti kod životinja i zoonoza,
- pružanje stručne pomoći veterinarskim organizacijama i proizvođačima proizvoda životinjskog porijekla i hrane za životinje,
- obavljanje terenske i laboratorijske dijagnostike zaraznih, parazitskih i drugih bolesti kod životinja i zoonoza,
- vršenje kontrole zdravstvene ispravnosti sirovina za prehrambenu industriju,
- obavljanje laboratorijske pretrage proizvoda životinjskog porijekla i vode radi utvrđivanja zdravstvene ili higijenske ispravnosti i kvalitete,
- implementiranje projekata koji doprinose unapređenju zdravlja ljudi, životinja i biljaka, kao i projekta koji doprinose osiguranju proizvodnje i prometa zdravstveno ispravne hrane,
- pružanje stručnih konsultantskih usluga iz djelatnosti rada Instituta, a posebno iz oblasti sigurnosti hrane,
- obavljanje i drugih poslova u skladu sa Zakonom, kao i propisima iz oblasti veterinarstva, a koji su dodijeljeni Veterinarskom zavodu,
- identifikacija rezidua pesticida i drugih štetnih materija u i na biljkama koje se koriste za ishranu ljudi i/ili životinja,
- identifikacija teških metala i drugih nedozvoljenih materija u i na biljkama koje služe za ishranu ljudi i/ili životinja,
- praćenje koncentracije alergena u okolišu te davanje preporuka građanstvu u saradnji sa javnim zdravstvom,
- izdavanje upozorenja i sprečavanje širenja štetnih organizama putem savjeta i uputstava za upotrebu proizvoda za zaštitu bilja i putem obavještanja javnosti i relevantnih službi,
- vršenje specijalnih laboratorijskih testova bilja, biljnih proizvoda i objekata u svrhu dijagnosticiranja štetnih organizama,
- pružanje stručnog mišljenja poljoprivrednim proizvođačima u vezi sa zdravljem bilja,
- vršenje istraživačkih i razvojnih aktivnosti u oblasti zaštite bilja,
- vršenje dezinfekcije, dezinsekcije, deratizacije i dekorovizacije radi zaštite zdravlja bilja,
- vršenje i drugih poslova koji imaju za cilj unapređenje i zaštitu zdravlja bilja, a sa svrhom zaštite zdravlja ljudi i životinja koji te biljke konzumiraju,
- implementacija projekata iz oblasti ruralnog razvoja;

II UTVRĐENI PROJEKTI SU :

1. Kontrola i praćenje zoonoza na području Zeničko-dobojskog kantona,
2. Razvoj pčelarstva u Zeničko-dobojskom kantonu,
3. Javnozdravstveni aspekt klanja životinja u domaćinstvu,
4. Integracija i održavanje akreditacije laboratorija u skladu sa evropskim normama i standardom BAS EN ISO 17025,
5. Suzbijanje ambrozije na Zeničko-dobojskom kantonu,

6. Održiva upotreba pesticida,
7. Monitoring polena na području Zeničko-dobojskog kantona,
8. Izrada strategije ruralnog razvoja Zeničko-dobojskog kantona 2020-2024;

III AKTIVNOSTI PLANIRANE PROJEKTIMA

- Kontrola i praćenje zoonoza na području Zeničko-dobojskog kantona,
- Pružanje besplatne laboratorijske usluge,
- Edukacija opće populacije o problemu zoonoza putem medija,
- Izrada štampanje i distribucija edukativnog materijala,
- Distribucija kratkih video materijala putem interneta,
- Organizacija tribina u seoskim područjima u kojima postoji rizik za zoonoze,
- Organizacija okruglih stolova, TV emisija, izrada i štampanje brošura itd.,
- Dijagnostičko ispitivanje pčela i meda,
- Organizacija seminara i stručnog savjetovanja za veterinare i lovce,
- Saradnja sa svim veterinarskim stanicama Zeničko-dobojskog kantona koje su uključene u realizaciju Programa mjera zdravstvene zaštite životinja i njihovog provođenja u 2019. godini („Službeni glasnik BiH“, broj: 5/19),
- Integracija i održavanje akreditacije laboratorija u skladu sa europskim normama i standardom BAS EN ISO 17025,
- Identifikacija rasprostranjenosti ambrozije na poljoprivrednim i ruderalnim površinama i izrada karte rasprostranjenosti ambrozije,
- Edukacija poljoprivrednih proizvođača o principima i načelima integralne zaštite bilja i održive upotrebe pesticida, edukacija proizvođača o ekološkoj proizvodnji,
- Izrada i distribucija letaka, letaka o pravilnoj upotrebi pesticida, o zaštiti pčela prilikom tretmana voćnih kultura,
- Nabavka uzorkivača polena tipa HIRST VPPS 2000/2010 (moderna verzija) i prateće opreme, nabavka mikroskopa za identifikaciju polenovih zrna,
- Analiza postojećeg stanja, obilazak terena, identifikacija potencijala za izradu strategije ruralnog razvoja,
- Promocija ruralnog razvoja, promocija Strategije ruralnog razvoja,
- Analiziranje stanja nakon završetka projekata i prezentacija rezultata,
- Klasificiranje i distribucija;

IV CILJEVI PROJEKATA

- Ostvariti sveobuhvatan i svrsishodan pristup rješavanju problema zoonoza pružajući besplatnu laboratorijsku uslugu,
- Ostvariti efikasniju zaštitu zdravlja i dobrobiti životinja, efikasnija zaštita zdravlja ljudi, i viši nivo zdravstvene ispravnosti hrane i vode za piće,
- Upoznati širu javnost o značaju, opasnostima i načinu prevencije zoonoza,
- Formirati registar institucija koje primaju donacije mesa (bolnice, javne kuhinje i druge institucije),
- Podići opšti nivo znanja stanovništva o načinu klanja životinja u domaćinstvu,
- Educirati lovce o značaju veterinarsko-zdravstvenog nadzora i dobre higijenske prakse u lovstvu, u cilju smanjenja rizika po zdravlje ljudi,
- Ostvariti razvoj i unapređenje pčelarstva,
- Sačiniti analizu stanja zdravlja pčela i kvalitete meda, povećati obim proizvodnje i ostvariti bolji kvalitet pčelinjih proizvoda, te podići svijest o značaju pčelarstva,
- Osposobljavati laboratorijsko osoblje Instituta i održavati kriterije za akreditaciju,
- Educirati uposlenike u skladu sa standardom BAS EN ISO 17025,
- Uspostaviti kontrolu nad širenjem invazivne biljne vrste Ambrozija (Ambrosia

- artemisiifolia L.),
- Smanjiti populaciju osoba osjetljivih i alergičnih na Ambroziju;
 - Sačiniti prijedlog mjera za suzbijanje biljke Ambrozija,
 - Sačuvati zdravlje biljaka, zaštititi zdravlje ljudi i životinja i zaštititi korisne insekte oprašivače od štetnog djelovanja pesticida,
 - Minimizirati opasnost od zagađenja pesticidima vode, zemljišta i vazduha,
 - Blagovremeno identificirati polenova zrna, izraditi i objaviti polenski kalendar za svaki grad na području Zeničko-dobojskog kantona,
 - Utvrditi postojeće stanje ruralnog područja, definisati prioritete, politički, ekonomski, socijalni, tehnološki, pravni i okolinski okvir ruralnog razvoja,
 - Izraditi dokument Strategija ruralnog razvoja Zeničko-dobojskog kantona za period 2020 – 2024;

V IZVORI SREDSTAVA

Izvor sredstava za realizaciju ovog Programa je Budžet Zeničko-dobojskog kantona za 2019. godinu ("Službene novine Zeničko-dobojskog kantona", broj: 3/19) u kojem je na stavci "Tekući transfer za Institut za zdravlje i sigurnost hrane Zenica za projekte" u 2019. godini, u razdjelu 23, budžetska organizacija 01, potrošačka jedinica 0001, ekonomski kod 614 100 planiran iznos od 200.000,00 KM.

U skladu sa odobrenim sredstvima Budžeta za 2019. godinu za svaku planiranu i završenu aktivnost iz ovog Programa, na zahtjev Instituta za zdravlje i sigurnost hrane Zenica i uz dostavljanje Izvještaja koji treba da sadrži detaljne i mjerljive podatke o provedenim aktivnostima za svaki projekt pojedinačno, Vlada će posebnim zaključcima odobravati isplatu sredstava.

Za prekoračeni iznos odobrenih sredstava Institut za zdravlje i sigurnost hrane Zenica će obezbijediti vlastita sredstva.

VI KORISNIK SREDSTAVA

Korisnik ovih sredstava Budžeta Zeničko-dobojskog kantona za 2019. godinu je Javna ustanova „Institut za zdravlje i sigurnost hrane“ Zenica.

PREMIJER

Mirza Ganić

Broj: 02-_____/19
Datum, 30.08.2019. godine
Zenica

DOSTAVLJENO:

1x Ministarstvu za poljoprivredu šumarstvo i vodoprivredu,
1x Ministarstvu finansija,
1x Institut za zdravlje i sigurnost hrane Zenica, putem ministarstva,
1x a/a.